

Un comunidad dividi:

Discriminacion entre Latinonan na Aruba

ARUBA semper tabata un tera di oportunidad pa hopi hende buscando un miho bida. E cultura acogedor di e isla a atrae miles di Latino durante añanan, hopi di cual a yega buscando estabilidad economico y un futuro mas briyante. Sinembargo, bou di e biahe comparti aki ta sconde un problema preocupante y hopi biaha ignora: *discriminacion profundo dentro di e comunidad Latino mes.*

Latinonan birando contra otro

Mientras cu hopi atencion a wordo duna na casonan di explotacion door di localnan, e realidad mas alarmante ta bin di dentro di e comunidad di migrante mes. Venezolano y Colombianonan hopi biaha ta carga desconfianza y animosidad contra otro, mientras cu Dominicano y Haitianonan frecuentemente ta haya nan mes na bandanan opuesto di e mesun retonan social.

Pa hopi, e ironia ta inevitabel: individuonan cu un tempo a comparti e mesun lucha y dificultadnan como migrante awor ta perpetua ciclonan di discriminacion contra otronan cu ta canando un caminda similar. En bes di uni riba nan experiencianan comparti, algun ta participa den e mesun practicanan di exclusion cu nan por tabata condena un tempo.

E raiznan di division

E division aki entre Latinonan ta wordo alimenta pa stereotiponan cultural di hopi tempo, orguyo nacionalista y e percepcion di competencia economico. Venezolanonan hopi biaha ta sinti cu nan ta wordo culpa inhustamente pa presionnan economico riba e isla, mientras cu Colombianonan ta mira nan mes como stigmatiza door di e asociacion cu actividadnan ilegal. Similarmente, Dominicano y Haitianonan ta carga e peso di tension historico cu ta extende



hopi mas leu cu e fronteranan di Aruba.

E prehuicionan aki tin consecuencianan den mundo real. Den luganan di trabou y comunidannan unda solidaridad mester prospera, discriminacion ta brota na luga, aislando individuonan mas ainda y perpetuando e dificultad di esnan na margin.

Kibrando e ciclo di discriminacion

Atende e problema aki ta rekeri responsabilidad y autoreflexion dentro di e comunidad Latino. E ta cuminsa cu educacion y dialogo cu ta encurasha individuonan pa reconoce lucha comparti en bes di engrandece diferencianan. Organisacion- local, iglesia- y gruponan comunitario mester hunga un rol den fomenta comprension y kibra bareranan di desconfianza.

Un liña di 'tip' confidencial por yuda saca na luz instancianan di discriminacion, incluso dentro di e comunidad di migrante mes. Door di encurasha esnan

afecta pa papia, nos por cuminsa tene perpetradornan responsabel y fomenta un sentido di unidad y respet mutuo entre Latinonan.

Un comunidad uni

Si e comunidad Latino na Aruba ta spera di prospera, e mester confronta e problema aki directamente. Discriminacion entre Latinonan no solamente ta debilita nan forza colectivo pero tambe ta perpetua e mesun desigualdad cu nan a busca pa scapa di dje. Unidad, en bes di division, t'e clave pa supera e retonan aki y construi un miho futuro.

Aruba a fungi pa hopi tempo como un faro di speranza pa migrantenan, pero ta depende di e comunidad Latino pa sigura cu e speranza ey no ta wordo mancha pa prehuicio di paden.

Awor t'e momento pa supera kehonan bieu y crea un cultura di apoyo y solidaridad, probando cu lucha comparti por conduci na exito comparti.